

In ea, præter Joannem Stoflerum & alios, annis superioribus cum celebritate maxima nominis medicinam docuit *Leonhardus Fuchsius* primus Medicinæ hac nostræ ætate repurgator. In eadem Academia proficitur cum celebritate nominis, etiam inter Barbaras gentes, studia æloquentiæ & Linguarum clarissimus ac doctissimus Vir Martinus Crusius. Eam instituit Eberhardus Comes Wirtembergensis quem supra ad dignitatem Ducalem a Maximiliano evectum fuisse diximus, anno *MDCCCCLXXVII*. Mansionem Augustam Caracallæ in Germania ad Tubingam fuisse, Ioannes Heroldus, libello de Germaniæ primæ antiquitatibus ex fragmento elogii ipsius, quod ibidem incisum videtur, demonstrat. Id Petrus Appianus lib. de sacrosanctæ vetustatis inscriptionibus, ita exhibet.

MAX. IN
AVG. EM. GER. MAX.
DAC. MAX. ARM.
MAX. TRIB. P.
Cos. Et.

Verum, Heroldus hanc inscriptionem integram legit, quemadmodum eidem Imperatori Romæ posita fuit. IMP. CAES. DIVI. L. SEPT. SEVER. P. PERT. AVG. PARTH. TARAB. ADIAB. F. M. AVREL. ANTONIN. AVG. SARMAT. MAX. GER. MAX. DAC. MAX. ARMEN. MAX. BRITAN. MAX. ARAB. MAX. ALEM. MAX. PARTH. MAX. P. E. PONT. MAX. TRIB. POTE. VI. COS. PROCOS. PERPET. LEG. VII. ANT. AVG. P. E. EIVS. NUM. DEVOT. PRIN. OPT. FORTIS.

Stutgardia, Metropolis & Sedes est Ducis haud procul a Neccaro sita. Ab hac Civitate Comitatus *Stutgardicus* nomen defumit: a Wandalis exstructa est, postea vero restaurata a Marchione Ioanne I Electore Brandenburgensi, & Ottone III. Anno autem *MDCCXC* Albertus III Marchio Brandenburgicus, Princeps Anhaltin, Filius Ottonis IV Filiæ suæ Beatrixi dotis loco dedit, quæ Henrico Leoni Vandalo nupsit. Urbs hæc agro undique beatissimo cincta. Vix verbis exprimi potest, quanta Vini copia per circuitum hujus Opidi in singulos annos producat. Ornavit locum istum Ioannes Capnion vulgo Rheuchlinus dictus, Vir insignis, Iurisperitus, Trilinguis, & qui primus in Orbe Christiano sacram Hæbræorum docuit linguam. Est & *Reutlinga*, ad Neccarum sita in Ducatu Wirtembergensi, anno *MDCCXL* a Friderico II Imperatore facta Civitas: alii dicunt anno *MDCCCLXXXI*. Civitas hæc famosa est ob molas papyraceas. Reliqua Opida amœna sat, ac pleraque Arcibus & Castris munitissimis ornata, utpote *Vracum*, ad Amerum fl. *Nirtungum*, *Kirchena*, *Heilbronna*, *Lauffena*, *Pinigkheim*, *Asperga* Arx, *Greininga*, *Marbachum*, *Canstadium*, *Waiblinga*, *Schorendorff*, *Geppinga*, *Fiesen* *Aludiacum* olim, *Heidenheimum*, *Vulpergium* patria diligentissimi Cosmographi Danielis Cellarii, ad Nagoltam fluvium, *Herrenbergum*, *Rotenburgum*, *Hechingum* Iudæorum Asylum, *Balingum* ac complura alia, quorum nomina ac Situm hæc Tabula inspicienti dabit. Ducatus autem iste Circuli Imperialis